

陽湖 惲世臨鑒定

邑人 陳啟邁纂輯

人物志第八

方伎

漢

黃敬字伯嚴少讀書仕州為部從事後棄官學道於霍山八十餘年復人中嶽專行服氣至二百歲轉還少壯道士王紫陽往見之求要言敬曰吾不修服藥之道但守自然何足詰

問紫陽固請不已乃告之曰大歸之中不難立想可習之為

武陵縣志

卷之四十二

人物志 方伎

習成赤童在焉指朱庭指而搖之煉身形審能守之可長生

紫陽受之遂得長生之道

葛洪神仙傳

晉

黃道真居高吾山修道乘白鹿去不知所終

一統志 舊通志 黃道真太康

中隱居高吾山即問津之漁郎也

南北朝宋

宗超之奉經好道宋元嘉中卒未闔棺從兄簡之來會葬啟

蓋視之但雙屐在焉

異苑

唐

梁新醫士也舟次渚宮有富商中夜暴亡至旦氣猶未絕新



往診視曰此食毒也因問嗜何物曰嗜竹雞每年以數百計  
新日竹雞食半夏必半夏毒俾搗薑汁灌之良久蘇時崔鉉  
鎮渚官聞而異之資以僕馬入京名大噪仕至尙藥奉御湖廣

志通

黃洞源邑人也大歷中學道於桃源宮瞿柏庭師事之尋辭  
去洞源留之不可期十八年再見後洞源之潤州茅山柏庭  
忽至計之正十八年洞源曰吾亦將蹈滄海次日果羽化列仙傳

古隄和尚受訓章敬暉禪師尋常但曰去汝無佛性和尙無  
言卽或有言莫契其旨一日仰山到參歎曰不可思議來者

武陵縣志 人物志 方伎 卷之四十二 二

難爲湊泊 五燈會元

白揚順定錫金牛山大開講座聽法者千人爲茲山一祖傳燈錄

宋

龔翁善治折傷嘉祐中縣尉羅彥輔墮馬不能運動治之旬  
日而愈園城鄉數百里折傷者必望救於翁翁宅旁無田桑  
封殖獨種竹千竿資醫以養饗殮不乏行旅過門踵相交翁  
遇之皆有理致無不得其歡心者其接儒生最謹有題詩贈  
之者壁詩歲加多且滿 呂南公灌園集贈 武陵龔翁詩序

思業禪師住文殊寺初爲屠宰忽洞心源棄業爲僧述偈曰



昨日夜叉心今朝菩薩面菩薩與夜叉不隔一條綫五燈會元

李正字宏卿學於東皇公十七年死家人埋之冢上有樹高

七尺生花見者皆聰明能文章號聰明樹明一統志

明

冷謙字啟敬號龍陽子元中統初與劉秉忠從沙門海雲遊精於易尤深邵學及百家方術至元間秉忠為相乃棄釋從儒居雪川交趙孟頫於四明故相史彌遠家觀李思訓畫遂善繪後遇異人授中黃大丹至正間年百餘貌渥如童避亂金陵坐肆市藥明初仕太常博士考定樂律會京邸主人貧謙畫壁為門界以引日第入可得富母多取母有所遺主人

武陵縣志

卷之四十二

人物志

方伎

三

叩門入見金珍充初如山恣意揀取遺謙所界引旬日內帑守者告變持引為證上命逮館人及謙謙曰我能逝能飛桎梏不能制須入我大甕中始得不逸逮者取甕至謙以腳插入良久身盡入端坐其間旋視之甕空矣從甕口呼之輒應逮者以聞鼻甕至上前上親呼謙果如逮者言碎甕片片呼之皆應也竟逸不可復得楚寶

國朝

髡殘號石谿少時自剪其髮投龍三三家菴旋遊諸名山後至金陵受衣鉢於浪杖人住牛首山工山水興境奇闢筆墨高古有元人勝概蓋從蒲團中得來者畫徵錄 讀畫錄 髡殘一字介邱武陵人



善繪事不輕為人作周亮工與交乞作冊數幅欣然命筆新城王士正嘗題其畫云紫竹林中一徑微曾尋石窟叩禪扉雲山舊衲渾忘卻欲借僧雛壞色衣

黃悟真趙塘里道士康熙時亢旱太守某飭令禱雨設壇校場三日遣徒白太守詣壇迎雨時天無雲守疑其妄乃伸兩拳左掣電右轟雷守驚出大雨隨降既霑足以禮遣之增

丁方斌精岐黃術嘗從高人採藥隴蜀耿亳間久之歸居神仙觀遇危證應手而愈一醉徑去杖頭常掛酒瓢藥囊求醫者卽以刀圭與之府志

王萼樓為邑醫學治人疾十得六七既没人猶思之府志

華軒字挹爽能作山水人物尤工蝴蝶人呼華蝴蝶後有陳

武陵縣志

卷之四十二

人物志 方伎

四

志光者工渲染與軒齊名畫桃源圖饒有氣韻府志

武纂精易理卜休咎如響兼通醫術年九十二元孫永清傳其術占事亦多中府志

魏開幼與其弟梓精小兒醫術嘗至安鄉投宿田家有小兒戲於側梓曰此兒有風證開幼曰發在今夕夜半果然主人求治之立愈又有小兒手足孿適醫鍼灸開幼過之曰此非穴道醫怒曰若治左吾治右可乎既而右愈左如故請並治之兒起立醫者屈服府志

魏晉基其先江夏人仕常德營千總遂家焉工繪事裴畫有題其繪山水障子詩子友鶴善畫翎毛時稱小魏府志



丁用元儒醫也鄰翁鞠某無故以脈試驚曰君來日定死於非命次日鞠果斃於雷又陳氏婦生子數日不下醫技窮用元令以冷水醢婦面遂產安福何某子以痘殤昇棺過市夫婦哭之哀用元問證源及色與死期良久曰吾能活之取朱漆棹一開棺置小兒棹上以艾丸灸百合穴俄甦人以為神

府志

陳輝遠乾隆時人精醫術能以太素脈決人窮通壽夭名甚著

府志

段生工醫術能望色知人疾嘗過鄰村見一兒娟好摩其頂曰此兒可惜早遇我當可活今無及矣翌日果以暴疾亡

府志

武陵縣志

卷之四二

人物志

方伎

五

高可相通醫術與朱景英交最篤約同撰醫史未就卒

府志

李兆鯨字騰海精醫術董觀察邀赴黔時大疫行者擔藥餌隨之逐戶施濟所至病除乾隆時縣獄囚多病死兆鯨為醫

官三十年獄中鮮服藥者邑令洪問其術兆鯨曰獄無病人

非醫者之術治獄者之術也情真罪當彼既心志帖服飲食

寒暑亦知自衛則病不由中出矣司監吏卒申明約束夏燠

蚊蚤冬遮風雪無燥溼之侵則病又不自外作矣此訓科所

以無事也邑令善其言有閩客鼻中生赤蟲二粗不及繩長

四寸許聞香輒出觸之即入不可拔兆鯨使吸福州小溪煙

從鼻孔出數日患除客請其說兆鯨曰蟲即水蟬也初離胎



戲於澗汝掬水飲之蟲卽附入如髮飽涕而肥得血而赤聞香而出畏煙而逃今幸早遲則不可爲矣子廷揚字良輔傳其術有余氏子嘔血胸肉墳起醫者莫辨良輔曰血可緩調胸肉宜急去搗韭汁一大盂兌淡酒四兩每服一小杯候飲畢當嘔黑血數升急備人葠三分以防其昏昏後胸肉消三日方可治本病主人從之月餘瘳蕭氏子年方壯病卧如僵良輔一見厲聲曰是子必狂速縛之不然將損其肢體且傷人言未竟病者自牀起張目直視升屋登牆父攀其手足良輔取秤錘燒紅浸醋以沸湯入醋少許灌之數次其人力弱目閉矣次日服藥愈

孫良貴李醫傳

武陵縣志

卷之四十二

人物志

方伎

六

郭半仙乾隆閒居城東鸞屨爲業狂行市上咸以爲顛久之乃覺其異卧武廟左廡泥馬下一夜忽右移晨起則左馬倒矣市人食之多不食若丐食於人其家必旺嘗口中譎語若有所祝問之不答披髮曳裙挾竹杖或劃地作圈縱橫穿插以示人莫有喻者天晴攜屐笠出必雨久雨見科頭行市中必晴一日於府治前持燒餅數十每家置一曰好燒已於未置餅處灑水曰好水數日火如其灑水處而止形容枯槁不澣濯盛暑卧處無蚊卧數日不飢所嗜者盡啖之亦不甚飽人以半仙呼之

府志

吳正容自號長齋老人沈靜有慧悟老子河上公章句本無



注釋用已意解說人服其敏又精算學相人多奇中

楊大隱府志作大有誤幼失怙事母以孝聞業醫李某妻病水飲隨

下羣醫不治大隱以絹數尺同地黃數兩熬膏攪極細用小

商煎水沖服遂愈或問之曰此膀胱破也絲性纏縛地黃助

其元氣小齒引入少腹蓋以意為之治他證亦時出新意府志

張元代字名世業儒未竟諳岐黃尤善折傷採藥應手而愈

不索贈賄卒年九十四

彭正煒字笠樵諸生通醫術嘗自製藥以救人急不受謝里

中全活者甚眾

熊本義業醫尤善癰疽異瘡應手而愈年三十即絕慾行導

武陵縣志 卷之四十二 人物志 方伎 七

引術五十餘棄家為道士寓武昌長春觀數年歸修常清觀

仍以醫術活人年八十一遊岳陽無疾而逝

論曰神仙荒唐之說儒者不言九流雜家又瑣屑不足道

然左氏誌和緩梓慎裨寵史蘇之倫至詳史記傳扁鵲倉

公龜焚日者而黃石赤松倉海君亦因事附見焉傳信傳

疑豈史乘之體應爾耶夫醫卜巫史星相之屬聖人所以

前民利用其精者至通神明參造化非徒小道可觀已也

緇流羽士歷史列之方伎郡國方書未之有改今錄其長

著而有徵者於篇而世俗傳會里巷不經之談則

武陵縣志卷之四十二終

同治癸亥 鈔本

